



REPUBLIKA E SHQIPËRISË  
KOMITETI KOMBËTAR I DIGAVE TË MËDHA

KKDM/Nr. ....68/11..... Prot  
Lutemi referoni këtë numër në përgjigje

Tiranë, më 25/ 05 / 2023

**VENDIM**

Nr. 17, datë 25 /05/2023

**PËR**

**ZGJIDHJEN E PROBLEMATIKAVE TE KONSTATUARA NE KOMPLEKSIN E  
STRUKTURAVE HIDRAULIKE TE HEC ASHTES DHE ARGJINATUREN E MJEDES**

Në mbështetje të Ligjit Nr. 8681, datë 02.11.2000 "Për Projektimin, Ndertimin, Shfrytëzimin dhe Mirembajtjen e Digave dhe Dambave", VKM Nr. 147, datë 18.03.2004 "Miratimin e Rregullores për Sigurinë e Digave dhe të Dambave", Komiteti Kombëtar i Digave të Mëdha (KKDM) në mbledhjen e datës 25.05.2023 mori në shqyrtim problematikat e konstatuara në strukturat hidraulike të HEC Ashtës dhe argjinaturës së Mjedës dhe të dhëna në Raportin vjetor për vitin 2022 të kompanisë ENERGJI ASHTA shpk. Bazuar tek ky Raport, rezultoi se pjesa e poshtme e argjinaturës së Mjedës është e dëmtuar në disa pjesë të saj duke rrezikuar afro 5 500 banorë në zonën urbane të Mjedës që ndodhet poshtë kësaj argjinature. Gjithashtu shumë pjesë të betonit në pjesën e poshtme të shkarkuesit të Spatharës janë të dëmtuar. Duke patur parasysh faktin se këto struktura janë objekte ndërtimore nivelngritëse dhe ujëmbledhës formues si dhe prishja e mundshme e tyre përben rrezik për banorët e zonës urbane të Mjedës, i gjithë ky kompleks duhet të trajtohet si objekt i rëndësise së vecantë

Pas diskutimeve të të gjithë antarëve të pranishëm, KKDM

**VENDOSI:**

- Ti kërkoj Ministrise se Bujqësisë dhe Zhvillimit Rural (MBZHR) të marrë masa emergjente për rehabilitimin e argjinatures se Mjedës në baze të një studimi të gjendjes aktuale, analize të hollësishme tekniko ekonomike dhe hartimit të një projekti zbatimi të hartuar nga ekspertë të licencuar për projektimin e digave të mëdha. Ky projekt duhet të dorëzohet për tu shqyrtuar dhe miratuar në KKDM përpara fillimit të sezonit të rreshjeve .
- Kompleksi i strukturave hidraulike të HEC Ashtës duke përfshirë strukturën hidraulike të Spatharës dhe argjinaturën e Mjedës të trajtohen si objekte të rëndësise së vecante në përputhje me kërkesat e legjislacionit të mësipërm. Për rrjedhojë shfrytëzuesit e këtyre strukturave duhet ti mirëmbajnë dhe monitorojnë të gjithë elementët e këtij kompleksi dhe të informojnë KKDM të paktën dy herë në vit për gjendjen e strukturave, masat e monitorimit dhe të sigurisë që janë marrë si dhe të hartojnë planet e gadishmërisë në rastet e emergjencave civile për shkak të prishjes së mundshme të ndonjë prej këtyre elementeve. Këto plane dhe harta të përmbytyjeve duhet të dorëzohen pranë KKDM / SKDM brënda fillimit të sezonit të rreshjeve.

Ngarkohet Sekretariati Kombëtar i Digave të Mëdha (SKDM) si zyrë ekzekutive e KKDM për ndjekjen dhe zbatimin e masave të kërkuara në këtë vendim sipas legjislacionin në fuqi.

Ky vendim hyn në fuqi menjëherë

**KOMITETI KOMBËTAR I DIGAVE TË MËDHA**

**KRYETARI**

**Arjan JOVANI**

